



**2022-mut Nunatta Karsiata naatsorsuutaasa akuersissutigineqarnissaannik siunnersuut.**

(Aningaasaqarnermut Naligiissitaanermullu Naalakkersuisoq)

(Siullermeerneqarnera)

Qujanaq Naalakkersuisunut 2022-mut Nunatta Karsiata naatsorsuutaasa saqqummiun nerinut.

Paasisinaavarput, 2022-imi 123 millioner koruuninik sinneqartooruteqartoqarsimasoq. Tamannalu nuannaarutigisinnaavarput, ukiorpassuarni anguniarsarisimagatsigu, nunatta karsiata sinneqartooruneqartuarnissaa, ullunut ajornernut imaluunniit pisunut naatsorsuutiginniganut sillimmateqarnerussagatta, aammalu bloktilskuudimit isumalluuteqarnek annikillisinnerussagatsigu.

Sinneqartoorut pitsaagaluartoq, qularnissamut pissutissaqarpoq. Annertuumimmi sinneqartoornissaq missigersuutaasimagaluarmat. Taamaattumik sinneqartooruteqarnek nalaatsornerinnarnik tungaveqarneruvoq.

Demokraatiniit uagut isumaqanngilagut, silatusaarnerusoq pisortat aningaasaqarnerat nalaatsornerinnarnik peqquteqartinneqassappat. Kissaatigigaluarparpulli sinneqartoorutit, pilersaarusioneqarsimasut toqqaannartumillu, aningaasatigut silatusaartumik ingerlatsinermit inernerussasut.

Sinneqartoorutit 123 millioner koruuniusut kingunerinngilaat, politikkimik eqqortumik ingerlatsisimaneq. Taakku pissuteqarput, akileraarutinit akitsuutiniillu iluatsitsinikkut annertunerusunik isertitaqarsimaneq, naatsorsuutigisamit. Tamannalu eqqissiallaatigerpiangilarput.

Ukiumoortumik aningaasanut inatsisip isumaqatiginninniutiginerini imaattuaannarpoq, kissaaterpassuit, suliniutissarpasuit isumassarsiarpassuillu, piviusunngortinneqarsinnaanngitsut, missigersuummi aningaasasaqartinneqannginnamik. Tamanna ajunngilluinnarpoq, Tassami aningaasanik atuisinnaanngilagut, piginngisatsinnik, taamaasillutalu akiligassaq siunissami kinguaariinnut tulliuuttunut ingerlateqqillugu.

Tamanna pitsaasuunngilaq, tassa Naalakkersuisut ima annertutigisumik naatsorsuinerlussimassappata, 259 millioner koruuninik amigartoornissamik naatsorsuuteqarnek 123 millioner koruuninik sinneqartoorninngorlugu. Nikingassut 382 millioner koruuniulluni.

Siunissami naatsorsuinitinni pitsaanerusariaqrpugut, taakkumi millionerpassuit allani atornerarsinnaasimagaluarput aammalu innuttaasunut iluaqtissatut. Immaqa akileraarut appartissinnaasimagaluarparput, nunatsinni kikkut tamarmik aningaasaatimik amerlanerussut tigummiinnarnissaannut periarfissillugit? Immaqa aapparit kissaatiginngisaminnik meerartaarsinnaanngitsut, naartunissaannut ikiorsersinnaasimagaluarpagut? Immaqa erninermut atatillugu sulinngiffeqartarnek sivitsorsinnaasimagaluarparput? Immaqa ilinniartut aningaasaqarnerat



pitsanngorsarsinnaasimagaluarparput? Immaqa meeqqanut sumiginnakkanut suliniutit angusassanik toraagallit amerlanerusut aallartissimasinnaagaluarpagut?

Periarfissarpassuaqarpoq. Sammisassarpassuit suliniutissarpassuillu, tamarmik aningaasaliiffigineqarnissaminnik piumasaqaatitalit, kisiannili isumaqarsimagaanni, 382 milioner koruuninik atugassat ikinnerulersut, inuiaqatigiit ineriartornerat suliniutillu pitsaasorpasuit unitsinneqaannartussaapput, kukkusunik tunngaveqarluni.

Taamaattumik Demokraatit sakkortunerpaamik Naalakkersuisut kajumissaarniarpaat peqqissaarnerusumik naatsorsueqqullugit, 2024-imut aningaasanut inatsisissap isumaqatiginninniutiginnissaanut tunngaviusussatut atugassanut.

Tassunga atatillugu pissusissamisoorpoq Naalakkersuisut aperissallugit, maannangaaq ukioq manna naatsorsuutigineqartunut oqaaseqarsinnaanersut. 2023-imut aningaasanut inatsisissaq 2022-imut aningaasanut inatsimmit eqqorneruva? Imaluunniit aamma naatsorsuutiginningsamit annertuumik sinneqartoornissaq ilimanaateqarpa?

Demokraatit kissaatigaat, Kukkuersiui nermut ataatsimiititaliap, 2022-imut aningaasanut inatsisip taama kukkutigisumik naatsorneqarsimanerata, tunngavii nassuiarniarsarissagai. Isumaqarpugut, pingaartuusoq paasissallugu, siunissami taama pisoqaqqinnginniassammat.

Taamatut oqaaseqaateqarluta 2022-imut Nunatta Karsiata Naatsorsuutai Kukkuersiui nermut ataatsimiititaliami sukumiisumik suliarinissaanut innersuussutigaaqut.